



UNIVERSITÄTS-
BIBLIOTHEK
PADERBORN

Universitätsbibliothek Paderborn

Assertio Omnium Articvlorvm M. Lvtheri, Per Bvllam Leonis X. Novissimam Damnatorvm

Luther, Martin

[Basel], 1521

VD16 L 3876

Tricesimvs. Aliqui articuli Ioannis Huss, co[n]demnati in Concilio Constantiensi, sunt Christianissimi, uerissimi, & Euangelici, quos nec uniuersalis Ecclesia posset damnare.

urn:nbn:de:hbz:466:1-33308

Aliqui articuli Ioannis Hufs, cōdemnati in Concilio Constantiensi, sunt Christianissimi, uerissimi, & Euangelici, quos nec uniuersalis Ecclesia posset damnare.

Reuocat. Erraui & hunc articulum reuocauit, & adhuc reuoco, in hoc qd̄ dixi, aliquos articulos Ioannis Hufs esse Euangelicos. Quare nūc sic dico: Non aliquos, sed omnes articulos Ioannis Hufs Constantiæ esse damnatos ab Antichristo & suis Apostolis in synagoga illa Satanæ, ex sceleratissimis Sophistis congregata. Et in faciē tuam sanctissime Vicarie dei tibi libere dico, omnia damnata Ioannis Hufs esse Euāgelica & Christiana, tua autem omnia prorsus impia & diabolica. Ecce reuocationem, quam tua Bulla exigit. Quiduis amplius?

Concilium Constantiē. Secundo, non recte faciunt, qui me Hussitam uocant, Non enim ille mecum sentit, sed si ille fuit hæreticus, ego plus decies hæreticus sum, cum ille longe minora & pauciora dixerit, uelut inchoans lucem ueritatis aperire. Hoc ideo dico, ut intelligat lector, quam scelerati & impij fuerint homicidæ illi Cōstantiē. Concilij Pōtifices & Pharisæi, qui illum exusserūt, cū ego me fatear Christianū, non hincq; eorū dānationē agnoscere. Nisi forte ideo permissus est exuri, quia non parum detulit Romano Idolo, & suis Satanicis stauis operationibusq; erroris: Conatus enim fuit uir ille & pius & doctus, id quod & ego in principio conabar, ut Decretis Papalibus ueritatis opinio salua maneret. At ijs saluis, ip̄m perire necesse erat, una cum Christo & fide & ueritate.

Lutherus plusq; Hussita. Igitur Ioannes Hufs, nō repugnare uidetur, quo minus sit Monarchia Papæ, hoc tantum agit, impium pōtificem non esse membrum Ecclesiæ, multo minus Papam, ferē dum

Lutherus Christianus uult haberi.

MAR. LVTHERI ASSERTIO.

dum tñ, sicut quemuis alium tyrannum. Ego uero etiam si sanctus Petrus hodie præfideret Romæ, negabo Rom. Episcopum esse Papam: Papa enim res ficta est in mūdo, neq; fuit, neq; est, neq; erit, sed fingitur esse. Quare ipsam sedem bestia nego, nihil moratus, sit ne bonus an malus qui in eo sedet. Sedes inquam, quæ sit super omnes sedes, nulla est in Ecclesia super terram, iure diuino, sed omnes sunt æquales: Quia una fides, unum baptisma, unus Christus, unus pater, qui operatur omnia in omnibus, qui est super omnia per omnia & in omnibus Ephe. iij. Deinde Decretales Papæ non dico Apocryphas, sicut Viglephus & Hufs dicere iactant, sed impias & Christo aduersarias, solo spū Satanæ efflatas, qua cā & eas exussi cū fiducia.

Fortassis & in hoc peccauit Ioannes Hufs, q̄ duodecim Concilia Euangelica fecit, cum non sit nisi unicum uirginitatis siue cœlibatus: In qua tamē re deceptus est, per impiam Thomæ & Thomistarum Theologiam. Itaboni isti uiri ea quæ in Ioanne Hufs optima sunt damnauerunt, quæ uerò non bona, probauerunt. Articulos ergo Ioannis Hufs damnatos, oēs suscipio, paratus defendere eos, per Christi gratiam, inuito illo rerum portēto, & abominatōne, quæ sedet in loco sancto. Verum omnia Ioannis Hufs & si ab illis probata, nō admitto, ut dixi.

TRICESIMVS PRIMVS

In omni opere bono iustus peccat.

Finitis tādē articulis illis nugalibus, in quibus nec pietas, nec eruditio doceri uel audiri potuit, sed de superbia & abusu Romanæ abominationis, coacti sumus perdere uerba, operas & tempus, reuertimur nunc ad res serias & salutare, nempe ad gratiam, liberū arbitrium peccatum, de gloria hominum ad gloriā dei transeūtes, de quibus rebus & primis articulis nō nihil tractauimus.

Hunc

Quare papa non est

Decretales,

Concilia
Euangelica.